



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-257-4/25**

Datum: **28.10.2025. godine**

«Agencija za vodno područje rijeke Save» Sarajevo, rješavajući po zahtjevu pravnog lica «HOLZ-BLAŽ» d.o.o. Vitez, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta u naselju Stara Bila, općina Vitez, na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

1. Odbija se zahtjev pravnog lica, «HOLZ-BLAŽ» d.o.o. Vitez, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta izgrađenog u naselju Stara Bila na zemljištu označenom kao k.č. broj 2063/1 K.O. Vitez, općina Vitez kao neosnovan, jer nisu ispunjeni uslovi propisani rješenjem o vodnoj dozvoli broj: UP-1/21-3-40-496-4/24 od 09.12.2024. godine, a koji su bili uslov za donošenje rješenja o novoj vodnoj dozvoli.

Obrazloženje

Pravno lice «HOLZ-BLAŽ» d.o.o. Vitez obratilo se ovoj Agenciji dana 11.06.2025. godine sa zahtjevom za donošenje rješenja o vodnoj dozvoli za proizvodni kompleks za preradu drveta izgrađen u naselju Stara Bila, na zemljištu označenom kao k.č. broj 2063/1 K.O. Vitez, općina Vitez.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj: 051-0-RegZ-24-002046 od 23.12.2024. godine izdatog od Općinskog suda u Travniku,
- Kopija Uvjerenja o poreznoj registraciji od 18.09.2013. izdatog od Porezne uprave Federacije BiH–Kantonalni porezni ured Novi Travnik,
- Dokaz o uplaćenju upravnoj taksi,
- Kopija Rješenja kojim se odobrava obavljanje djelatnosti rezanja drveta, broj: 03-18-812/16 od 17.05.2016. godine izdatog od Ministarstva privrede Srednjobosanskog kantona,
- Kopija Rješenja o vodnoj dozvoli broj: 06-21-8960/2020 od 12.02.2021. godine izdatog od Ministarstva poljoprivrede, vodoprivrede i šumarstva Srednjobosanskog kantona/Kantona središnja Bosna,
- Kopija Rješenja o vodnoj dozvoli broj: UP-1/21-3-40-496-4/24 od 09.12.2024. godine izdatog od «Agencije za vodno područje rijeke Save» Sarajevo,
- Projekat izvedenog stanja vanjskih instalacija i pripadajućih objekata za prikupljanje i odvodnju otpadnih voda u proizvodnom kompleksu za preradu drveta HOLZ-BLAŽ d.o.o. Vitez, juli 2023. godine, urađen od «ES HYDROTECHNICS» d.o.o. Sarajevo (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-257-3/25 od 21.10.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Poslovni kompleks za obradu drveta firme „HOLZ-BLAŽ” d.o.o. Vitez izgrađen je u naselju Stara Bila, općina Vitez. U krugu predmetnog kompleksa smješteni su sljedeći objekti: pilanska hala, decimirnica, pilanska decimirnica, pariona, dvije sušare, oštriona, dva skladišta, nadstrešnica, kotlovnica, silos za piljevinu, otvoreno skladište oblovine, pralište oblovine, upravna zgrada i radno manipulativne površine. Kapacitet proizvodnje je 20-25 m³ oblovine dnevno. Krajnji proizvod je rezana građa od četinarara i lišćara.

- Za predmetni objekat ranije je od strane ove Agencije doneseno Rješenje o vodnoj dozvoli broj: UP-1/21-3-40-136-8/23 od 18.09.2023. godine pod određenim uslovima i sa rokom važenja od 1 godine od dana pravosnažnosti rješenja.
 - U toku uviđaja na terenu u postupku izdavanja vodne dozvole broj: UP-1/21-3-40-496-4/24 od 09.12.2024. godine utvrđeno je da nije ispunjen uslov iz tačke 2.2. dispozitiva rješenja o vodnoj dozvoli broj: UP-1/21-3-40-136-8/23 od 18.09.2023. godine, odnosno nije izvršeno razdvajanje tehnoloških otpadnih voda-kondenzata nastalog u procesu parenja drveta od oborinskih voda sa platoa kompleksa.
 - Rješenje o vodnoj dozvoli broj: UP-1/21-3-40-496-4/24 od 09.12.2024. godine je dato na period od 6 mjeseci od dana pravosnažnosti rješenja i uz uslov da se izvrši razdvajanje tehnoloških otpadnih voda-kondenzata nastalog u procesu parenja drveta od oborinskih voda sa platoa kompleksa, te da se kondenzat iz parionice mora se prikupljati u posebnom vodonepropusnom oknu bez preliva.

U toku uviđaja na terenu obavljenog dana 21.10.2025. godine utvrđeno je da investitor nije postupio po zahtjevima iz tačke 2.2. dispozitiva rješenja o vodnoj broj: UP-1/21-3-40-496-4/24 od 09.12.2024. godine, odnosno nije izvršeno razdvajanje tehnoloških otpadnih voda-kondenzata nastalog u procesu parenja drveta od oborinskih voda sa platoa kompleksa.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi zakona o vodama da se podnosiocu zahtjeva izda tražena vodna dozvola pa je riješeno kao u dispozitivu ovog rješenja.

Kako podnosilac zahtjeva nije ispunio uslove koji su određeni rješenjem o vodnoj dozvoli broj: UP-1/21-3-40-496-4/24 od 08.12.2024. godine, a koji su bili uslov za izdavanje vodne dozvole, na osnovu člana 200. stav (1) Zakona o upravnom postupku, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-257-2/25 od 25.08.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «HOLZ-BLAŽ» d.o.o. Vitez, Stara Bila bb, 72250 Vitez
- ➔ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava